

秦少游家譜

學術資料選輯校注

鄧廣銘題



春之詩集

春之詩集

春之詩集



世德編上

淮海先生年譜

二十八世孫瀛重編

宋仁宗皇祐元年己丑先生生

此年譜出於民國丙寅本錫山譜註與嘉慶乙卯本對勘原版框高二十四點五公分廣三十點八公分清道光丁酉王敬之刊本淮海集所附重編淮海先生年譜節要即據此譜刪節者也齊璧應作齊璧

先生姓秦氏名觀字太虛改字少游別號邗溝居士學者稱爲淮海先生先世居江南中徙維揚爲高郵州武寧鄉左廂里人大父承議府君諱某父元化公諱某師事胡安定先生瑗有聲太學母戚氏案先生文集書王氏齋壁云皇祐元年余先大父赴官南康道出九江余實生焉

皇祐二年至四年先生皆隨家居南康返高郵當在五年

皇祐二年庚寅

皇祐三年辛卯

皇祐四年壬辰先生年四歲

大父承議府君滿歲受代猶寓止僧舍未幾代者卒王叔瞻之先君來領其職事通家相好也

見書王氏齋壁

皇祐五年癸巳

至和元年甲午先生年六歲

或書皇祐六年是年二月太史言日當食改至和

先生始入小學父元化公游太學歲時歸覲具言太學人物之盛數稱海陵王君觀高才力學遂以其名名先

生

季弟應是仲弟
其名觀字少儀者

既言至和中而非至
和初當非指元年也

案李氏王夫人墓誌銘但言元化公稱王君觀及其
從弟觀而不言名先生名先生之說見之舊譜然王
君觀從弟名觀而先生之季弟亦名觀或取二王之
名先後以名其子似可信也又案王夫人墓誌銘言
至和中先君游太學不指元年至和首尾幾及三年
恐係至和二年事亦未可定

至和二年乙未

嘉祐元年丙申

或書至和三年是年
九月謝天地改嘉祐

嘉祐二年丁酉

嘉祐三年戊戌先生年十歲

通孝經語孟大義

嘉祐四年己亥

嘉祐五年庚子

嘉祐六年辛丑

嘉祐七年壬寅

嘉祐八年癸卯先生年十五

丁父元化公憂

明秦洪淮海公年譜云
嘉祐五年庚子公年十
二博學強記善為文
先生精騎集自序云余
少時讀書一見輒能誦
暗疏之亦不甚失當即
此際也

先生居高郵丁父憂而
講習醫藥知陰陽五
行辨證之說當始於
此際

英宗治平元年甲辰

治平二年乙巳

治平三年丙午

治平四年丁未先生年十九

娶徐氏名文美潭州寧鄉縣主簿徐成甫女

案徐君主簿行狀成甫初娶張氏繼娶蔡氏子五人
交通文仲文剛文饒文昌女三人文美文英文柔先
生之配蓋徐氏長女也

神宗熙寧元年戊申

熙寧二年己酉先生年二十一

作浮山堰賦

熙寧三年庚戌先生年二十二

叔父定登葉祖洽榜進士第授會稽尉

案大音先生鏞云高郵譚定先生諸父仕至端明殿
學士卒葬江都西山秦家莊有秦端明定墓又案會
稽尉至元豐三年始得代疑屬遷調非進士初官

熙寧四年辛亥

熙寧五年壬子先生年二十四

為退翁書墓表並非
熙寧五年蓋退翁此
時尚未卒也七年始
以屯田郎中致仕歸
在濟南有與蘇子由
酬贈詩更稱其致仕
歸吳興後人優游數
年而卒則當在熙寧
末矣詳見本書卷一
劉全美名發亦見東
坡臨川四集

好讀兵家書作單騎見虜賦 書屯田郎中俞汝尚墓
表 施元之東坡詩注退翁之卒孫莘老以為事類龐
公為表其墓秦少游為書之

按汝尚字退翁吳興人孫莘老於熙寧四年十二月
自廣德移守吳興六年春移守廬州東坡有詩送之
在寒食後 俱見施注墓表之作必在守吳興時先生以同
鄉在其幕府故為書之

案記夢答劉全美七古起二句云歲逢困敦斗指甲
辰次庚辰漏傳子蓋子年七月庚辰日也考元豐七

年甲子紹聖三年丙子七月皆無庚辰李燾長編熙
寧五年壬子六月己酉朔閏七月戊申朔詩中所云
辰次庚辰者七月初二日也

熙寧六年癸丑

熙寧七年甲寅先生年二十六

聞眉山蘇公軾爲時文宗欲往遊其門未果會蘇公自
杭倅徙知密州道經維揚先生預作公筆語題於一寺
中公見之大驚及晤孫莘老出先生詩詞數百篇讀之
乃嘆曰向書壁者必此郎也遂結神交

此事之繫於七年蓋
牽於冷齋後話有便
過維揚之語以爲東
坡於四年過揚赴杭
則徙密復過維揚必
爲七年矣殊不知孫
莘老已於六年四月
由湖州移守盛州此

後數年未坡皆無緣
與之相會何得面介

先生之詩詞與坡公
耶故知先生預作公
之筆語定非七年事
也然則復過維揚玩
指何年愚謂當為熙
寧四年蓋治平三年
宋坡嘗奉其父之靈
柩過揚歸蜀故此云
復過也此時東坡在
揚與劉牧孫洙及劉
季相遇歡聚數日各
以其字為韻作詩即
先生作坡筆語題于
寺壁之時也

熙寧八年乙卯先生年二十七

外父徐成甫卒繼室蔡氏殉焉爲撰行狀及蔡氏哀詞
熙寧九年丙辰先生年二十八

同孫莘老參寥子訪漳南老人於歷陽之惠濟院浴湯
泉遊龍洞山謁項羽祠極山水之勝得詩三十首湯泉
賦一篇孫莘老詩云川谷闕深阻天時正莽蒼聊同不
速客東浴自然湯茂宰藹休政道人棲淨坊悅如登十
地熱惱頓清涼先生次韻和之

熙寧十年丁巳先生年二十九

東坡自密州河中改知徐州國在是年然先生過徐晤坡公實在元豐元年時李公擇有書介先生與坡公也參見本書卷一

故人句指李公擇由齊州提淮西提刑恰遇先生赴京應試乃作書介紹與東坡

蘇公自密州徙知徐州先生乃往候公於彭城贈之以詩云人生異趣各有求繫風捕影祇懷憂我獨不願萬戶侯惟願一識蘇徐州徐州英偉非人力世有高名擅區域珠樹三株詎可攀玉海千尋真莫測一昨秋風動遠情便憶鱸魚訪洞庭芝蘭不獨庭中秀松柏仍當雪後青故人持節過鄉縣教以東來償所願天上麒麟昔漫聞河東鸞鷟今纔見不將俗物擬天真北斗已南能幾人入博學士風標遠五馬使君恩意新黃塵冥冥日月換中有盈虛亦何算據龜食蛤暫相從請結後期遊

汗漫蘇公次韻贈別 是歲孫莘老寄老菴成作寄老
菴賦漳南道人自湯泉來會於高郵追敘去年登臨之
美作遊湯泉記

元豐元年戊午先生年三十

先生舉鄉貢不售蘇公有詩云底事秋來不得解定中
試與問諸天又簡云此不足爲太虛損益但弔有司之
不幸耳先生退居高郵杜門却掃以詩書自娛乃作掩
關之銘 是時蘇公以治河功成作黃樓先生作黃樓
賦以寄公爲詩以謝曰我坐黃樓上欲作黃樓詩忽得

故人書中有黃樓詞黃樓高十丈下建五丈旗楚山以
爲城泗水以爲池我詩無傑句萬景驕莫隨夫子獨何
妙雨電散雷椎雄辭維古今中有屈宋姿南山多磬石
清滑如流脂朱蠟爲摹刻細妙分毫釐佳處未易識當
有來者知是歲又作歎二鶴賦十月五日蘇公跋
湯泉賦後

案查慎行蘇公年表是年秦少游將入京應舉至徐
謁公黃魯直以古風二首上公黃秦二君奉教於公
始此蓋不詳先生於前一年先見公於彭城也蘇公

年表始此二字誤

元豐二年己未先生年三十一

正月十五日作五百羅漢圖記將如越省大父承議公
及叔父定於會稽會蘇公自徐徙知湖州遂與偕行過
無錫遊惠山和唐人韻三首蘇公及參寥子同賦又會
於松江至吳興泊西觀音院端午日同公遍遊諸寺尋
別蘇公至德清道中作詩還寄遂如越七月聞蘇公被
詔獄亟渡江至吳興問訊得實乃復自吳興過杭中秋
後一日同參寥子月夜杖策度風篁嶺謁辯才法師於

潮音堂作龍井題名記又別作龍井記乃東遊鑑湖謁
禹廟憩蓬萊閣是時給事廣平程公闢領越州先生相
得歡甚多登臨唱酬之什作會稽唱和詩序錄寶林禪
院事實又作會稽懷古諸詞歲暮始還高郵除夕抵家
是歲十二月蘇公謫黃州團練副使

案先生龍井題名記元豐二年中秋後一日余自吳
興過杭東還會稽龍井辯才法師以書邀予入山比
出郭已日夕航湖至普寧遇道人參寥問龍井所遺
藍輿則曰以不時至去矣是夕天宇開霽林間月明

可數毛髮遂棄舟從參寥杖策竝湖而行出雷峰度
南屏濯足于惠因澗入靈石塢得支徑上風篁嶺憩
龍井亭酌泉據石而飲之自普寧經佛寺十皆寂不
聞人聲道旁廬舍或火燈隱顯草木深鬱流水激激
悲鳴殆非人間有也行二鼓矣始至壽聖院謁辨才
於潮音堂明日乃還又案先生客會稽作滿庭芳詞

卽山抹微雲之篇蘇公極賞此詞戲呼先生爲山抹

微雲君

又案藝苑雜錄云范祖禹之子元實乃少時
增也爲人澀重終日不言有被問之曰公亦

解詞曲

否荅曰吾乃

山抹微雲

君女婿也